

ԼԵԶՎԱՐԱՆՆՈՒԹՅՈՒՆ, ԳՐԱԿԱՆԱԳԻՏՈՒԹՅՈՒՆ ԵՎ ՄՐԱԳՐՈՒԹՅՈՒՆ

I. ՀԱՐՈՒԹՅՈՒՆՅԱՆԻ «ՆՇԽԱՐՆԵՐ...»-Ի ՀԵՔԻԱԹԱՅԻՆ ԱՇԽԱՐՀԸ*

Անահիտ Աթայան

Բանալի բառեր՝ իրապատում, կենցաղային, իրաշապատում, սոցիալական, հեքիաթներ, արկածային այլմե, հարուստ կենսափիլիստիայություն, բարոյախրատական իմաստ, կառուցվածքային առանձնահատկություններ, արժանապատվություն, ջրի իրաշագործուժ, բարոյական բարձր նորմաներ, բանաձևերի խմբավորումներ:

Դարեր շարունակ արցախցին իր ինքնահաստատման համար աշխարհին է պարզել իր պատմությունը, որը վկայել է նրա ինքնարժեքավորումը. ով է ինքը, ինչով է ապրում, ինչ առանձնահատկություններ ունի, ինչ է իրենից ներկայացնում իր մշակույթը, որը մտնում է համամարդկային կարևոր արժեքների մեջ: Այդ արժեքներից ամնան չէ Արցախի ժողովրդական բանահուսությունը, որի գրառման պատմությունը, պետք է սկսել 1960 թվականից: Բահարյանները 1960թ. մայիս-օգոստոս ամիսներին Շուշի քաղաքում տեղի և հարևան գյուղերի բնակչությունը գրի են առնում հեքիաթներ, գրույցներ, ամեկողուներ, խաղիկներ: «Առաքել Բահարյանը Ներսիսյան դպրոցում պաշտոնավարելիս (1881-1882) արծագանքելով երիտասարդ բանահավաք – հրատարակիչ Տիգրան Նավասարդյանի կոչին, նրան է հանձնում վերոհիշյալ գրառումները: Նավասարդյանը հրատարակում է այդ նյութերի մի մասը, իսկ ողջ ժառանգությունը հրատարակվում է մեր օրերում», - կարդում ենք Ա. Ղազիյանի «Հայ ազգագրություն և բանահուսություն» գրքում:

Հայ ժողովրդական հեքիաթների հավաքնան ու հրատարակման գործում մեծ է Գ. Սրվանձնացի, Տ. Նավասարդյանի, Գ. Ծերենցի, Եր. Լապայանի և ուղիշների դերը:

Արցախի բանահուսության պատմության մեջ անգնահատելի է Լ. Հարությունյանի դերը, որը պեղեց, ուսումնասիրեց և հրապարակ հանեց Արցախի բանահուսության հազարամյա գանձերը՝ իր ժանրակշիռ աշխատություններով նոր աստիճանի բարձրացնելով Արցախի բանահուսության ուսումնասիրությունը: Լ. Հարությունյանի՝ բանահուսական աշխատանքի հմտություններն ու ընդհանրացումներ անելու կարողությունը, հետազոտական մտքի հմտությունը հնարավորություն տվեցին պատկերացում կազմելու բանահուսական այս կամ այն ստեղծագործության բնույթի, ժամրային առանձնահատկությունների, հեղինակային կատարողական վարպետության մասին: Բոլոր ժանրերի նրա գրառումները ուղեկցվում են բացատրություններով ու ծանոթագրություններով, ուր տեղեկություններն են տրվում ժողովրդական բանասացների տարիքի, սեռի, սոցիալ-կենցաղային միջավայրի, բնավորության, ընդունակությունների, կատարողական արվեստի վերաբերյալ:

Լ. Հարությունյանը իր «Նշխարներ Արցախի բանահուսության» 5 ժողովածուներով դարձավ ոչ միայն բանահուսական գանգան ժանրերի, այլ նաև ժողովրդի ստեղծած հեքիաթների հայտնաբերող, հրատարակող, դրանց գնահատող ու բնութագրող: Ժողովրդական բանահուսության ուսումնասիրությունը վկայում է, որ հեքիաթները աշխա-

* Հոդվածն ընդունվել է 15.12.2015:

Հոդվածը տպագրության է երաշխավորել ԱրՊՀ գրականության և ժուրնալիստիկայի ամբիոնը:

ՄԵԽՐՈԴ ՄԱՀՏՈՒՅ ՀԱՍԱԼԱՐՄԱՆԻ ԼՐԱՏՈՒ 2016

տավոր ժողովրդի բանավոր ստեղծագործության կարևոր բաժիններից մեկն են: Դրանք հյուսվել են սոցիալական կյանքի, մարդկային բարքի և ժողովրդական կենցաղի ամենաբազմազան երևույթների վերաբերյալ:

Հավաստի աղբյուրները փաստում են, որ մեր պատմիչները բանահյուսական այլ նյութերի հետ միասին հավաքել են նաև հեքիաթներ՝ «առասպելական գրույց», «հին գրույց» անվան տակ:

Բնականաբար հեքիաթը ստեղծողն ու պահպանողը ժողովրդին է: Ընդունված տեսակեւն է, որ հեքիաթը այնպիսի բանահյուսական ժանր է, որի ֆանտաստիկ տարրերը գոյերեն չեն կրկնվում բանահյուսական որևէ ուրիշ ժանրում: Այս թե ինչու ակնհայտ է նրա կապը դիցաբանության հետ: Հեքիաթը հարուստ կենսափիլիխովիայություն է: Ժամանակի կմիջք կրելով իր վրա՝ ունի ազգային կյանքի վառ երանգներ: Հեքիաթները ժողովրդի անկուտրում կամքի, հաստատակամության, ազատափրական ոգու արտահայտություններն են: Արցախյան հեքիաթները ժողովրդի կյանքի հայելին են, նրա կենցաղի բացահայտողը: Իրենց հարուստ բովանդակությամբ դրանք ուսումնասիրության հետաքրքիր բնագավառ են, և պատահական չեն, որ ազգագրագետը, լեզվաբանը, հնագետը, գրականագետը և այլք առատ նյութ են քաղում հեքիաթներից:

Հեքիաթը յուրահատուկ միջոց է կյանքում լավն ու բարին ուսուցանելու, չարն ու վաստը ծաղկելու համար: Հեքիաթները միշտ էլ արտացոլել են ժողովրդի սոցիալ-պատմական կենսափորձը, նրա ակնկալիքներն ու ծգուունները, բնության տարերային ուժեղին, ներքին ու արտաքին, աշխարհիկ ու հոգևոր հարստահարիչների դեմ նրա մղած պայքարը, աշխարհայացքը, հավատալիքները, սովորություններն ու բարերը:

Լ.Հարությունյանի առաջին գործում տեղադրված իրապատում-արկածային հեքիաթներն աչքի են ընկածում սյուժեների ամբողջակամությամբ ու ազարտունությամբ, վիպական մանրամասնությունների առատությամբ, որը, երկի թե, պայմանավորված է բանասցներին հատական հատական, բնատուր շնորհքով:

Նրագի առած հեքիաթները բանավոր պատմողական արձակի տեսակներից են: Հեղինակի վկայությամբ՝ Արցախում կյային հեքիաթասացներ, ովքեր ծմբան երկար գիշերներին պատմում էին հեքիաթներ: Սավկայում է տվյալ բնակավայրի ազգաբնակչության բանահյուսական ավանդապահության մասին և հավաստում է բանահյուսական ժանրի՝ տվյալ ազգագրական գոտում ակտիվ կենցաղավարելու պրոցեսը: Արցախի բանահյուսության մեջ կան հրաշապատումն իրապատում հեքիաթներ՝ իրենց տեսակներով, որոնցում բազմազան ենարծարձված հարցերը:

Լ.Հարությունյանի գրի առած հեքիաթները ավանդական կաղապարի մեջ են իրենց կառուցվածքով՝ համեմված ժողովրդական բար ու բանով, հնարանքներով, բանաձևերով: Հեղինակը նյութը գրանցել է ամմիջականորեն (հիմնականում ասացողից՝ առաջին հաղորդողից, գրի է առել՝ հարզազատորեն պահպանելով ասացողի ոճի բոլոր նորերի անգներն ու արտահայտչամիջոցները:

Այսպես՝ «Լվոթունը կորչի չի» հեքիաթը պատմել է Միքայել Դայամյանը (ծնված 1906թ. Աշան գյուղում): Հեքիաթը լսել է իր մորից՝ Մարգարիտ Դայամյանից: Կան հեքիաթներ, որ գրի են առնվել երկու անգամ: Բանահավաքը բացահայտում է երկու տեքստերի տարրերությունները՝ կապված գործող անձանց անունների հետ: Իսկ «Խորթը» հեքիաթի մասին ծանոթագրություններում նշվում է, որ այն պատմել է Հերիքնազ Օհանյանը՝ ծնված 1867թ: Ծովոշ 100-ամյա շնորհաշատ կինը հեքիաթի չափածու սողոերը հրանցրել է երգով: Հեքիաթը գրի է առնվել 1963թ. Սպիտակաշեն գյուղում: Հերիքնազն այն լսել է իր հորեղբորորդի Մովսես Սկիլյանից (Աշան գյուղից):

ՄԵՍՐՈՒԹ ՄԱՀՏՈՅ ՀԱՍԱԼԱՐԱՆԻ ԼՐԱՏՈՒ 2016

«Նշխարներ...»-ի առաջին հասորի ծանոթագրություններում նշվում է, որ ասացող ները անգրագետ կամ կիսագրագետ մարդիկ էին, արինաստավոր, սայլագործ: Լ. Հարությունյանը երբեմն պատմում է նաև բանասացի բնավորության գծերի մասին: Օրինակ՝ «Դադին Հայկա ախապերնա զլալ, ախապոցը հակեն կուփէ չի տվալ, դարդին անգուծ չի կալալ, ուրան վեղան յայմշշա զլալ, զամքը քեֆերում անցկացրալ: Բայց ախապերը Դադուն մնմըրներան քայլ չըն, վեր նորվերվալըն, ծեմ ըն տվալ՝ հիշ տեղ ըս, այ Դադի, այ Դադի բիդադ»:[2]

«Հայ ազգագրություն և բանահյուսություն» գրքում կարդում ենք. «Հեքիաթների կառուցվածքին ծանոթանալիս նկատվում է բանաձևերի Յ խմբավորում. առաջին՝ նախասկիզբ բանաձևեր. մինչև բուն հեքիաթը պատմելը ասացողը օրինաչափորեն ասում է ինչոր բանաձև, այն կարող է լինել սովորական «կեղնի, չեղնի», «ավալ ժամանակով», «խին ժամանակով», «հաւեջ ժամանակ» և այլ բազմաթիվ սկզբանական ժամանակաձևեր: Երկրորդ՝ միջին պատմողական բանաձևեր և երրորդ՝ «Վերջաբան բանաձևեր»[3]:

Մեջբերում ենք Լ. Հարությունյանի գրի առաջ հեքիաթների նախասկիզբ բանաձևերից. «Ընում ա, չընում, իրեք ախապեր ըն ընում...», «զլալ ա, չըլալ, երկի զլալ ա, վեր ասում ըն, վեր զլած չինի՝ կասի՞ն...», «Ժուկավ ժամանակավ Արմավիր քաղաքումը մին թաքավեր ար կենում», «Ընում ա, չընում, պա հինչ անում, վեր ընում չի...» և այլն:

Սկզբան բանաձևեր զգաստացնում են, փորձում ունկնդիրների ուշադրությունը կենտրոնացնել պատմելիք նյութի վրա:

Միջանկապ բանաձևերը հասուկ աշխուժություն են հաղորդում հեքիաթին, ունկնդիրներին տեղափոխում են դեպքից դեպք: Օրինակ՝ «Ճողով թափեղը ըստեղ ավագակ տերօնա, մունք խաբար տանք Սմբաթեն անա», «Ճողով սահանք քընին պալատ, թաքավերեն խաբար տամին, մունք տեսմանք, թափեղը հինչ ա անում...» և այլն: Նման բանաձևերը լսողին ծգում են հեքիաթի մեջ, զգաստ պահում նրանց, իսկ բանասացի խոսքը դառնում է ավելի վստահ, ավելի աշխույժ: Որպեսզի պատմածը տաղտկալի չլինի, հաճախ բանասացը միջամտում է՝ հերոսին բնորոշող արտահայտություններով: Օրինակ՝ «Ծիլկան ասե՝ սարեն ծաղեգ, մին քեչա յոր կօնե, քինի նի մննե ուշակին կյումը», «Օշակ ասե՝ սարեն ծաղեգ, կրտելին անումը վեր սկանում ա, օշը հիրում ա, լոք-լոք ընելավ փախճում բդի ծնակը», «Ասելըն ըբաթ լոին ուշուինեն եր կացեն...» և այլն:

Վերջաբան բանաձևերը ասեն ընդհանրացնում են խոսքը, ասում նաև բանասացի վերաբերմունքը: Օրինակ՝ «Լավ ըն ասալ՝ լվորուն ըրա, քցի ծովը, ծուկումը վեր գիշա վուչ, ասսուծ կզիիդա», «Երգինքան է իրեք խնձոր վեր ընգավ, մինը քաթը բսողեն, մինն սկընողեն, մինն էլ էն պարի թափեղեն», «Հու վեր տղու, հաղթնու ումեր ըղնե, էն պոզը նրա աշկը» և այլն:

Սրանք երբեմն օրինանք - մաղթանքներ են, բարոյախրատական բնույթ են կրում, ստանում են ծևակերպված առած-ասացվածքների տեսք: Հաճախէլի հեքիաթները վերածում են կենցաղային հակիրծ գրուցների: Այդ է վկայում Լ. Հարությունյանի գրի առաջ «Ձրուցներ, առակներ, ավանդություններ» բաժինը:

Կարծ գրուցները ևս դաստիարակչական մեծ նշանակություն ունեն: Վերնագրերը հեմց հիուշում են բովանդակությունը. «Հու վեր ամե, տու օսիս», «Մարդին աշկը մինակ վեղը կրուշտըցընե», «Քյասիթին աշկավը եշի», «Տոնդ քանդվի, պրտքատար» և այլն:

Կրցախյան հեքիաթաշտեմարանում տարածված կերպար է հնարագետ, խորամանկ, մույնիսկ բանսարկու ժողովրդի մարդը: Սա միշտ օգնության է հասնում դրական հերոսին, նրան հանում է նեղ վիճակից: Փաստերը վկայում են, որ նման կերպարը տարածված է եղել արևելյան ժողովուրդների բանահյուսական երկերում:

ՄԵԽՐՈԴ ՄԱՀՏՈՅ ՀԱՍԱԼԱՐՄԱՆԻ ԼՐԱՏՈՒ 2016

Դարաբաղի բանահյուսության մեջ օշակիր վիշապի ժողովրդահումը ծնն է: Ըստ Լ.-Հարությունյանի՝ առասպելական կենդանի, թե՝ ջրային, թե՝ ցամաքային, թե՝ անտառային մեծ օձ: Այս կենդանուն Արցախյան ժողովրդական բանահյուսությունը դիմում ««ախ-պեր» մտերմական բառով՝ «օշակի ախապեր»: Օշակիր նաև հեքիաթային հերոս է, առավելապես՝ բարի: «Դարաբաղյան հեքիաթների մեջ հետաքրքիր կերպավորում ունի նաև վիշապը: Մի անգամ չար ու չարական, այլ դեպքում բարի ու ամիշչաչար: Այս երկվորյունը հարկավ, կապում է տարբեր ժամանակաշրջաններում վիշապի նկատմամբ ունեցած պաշտամունքային մտայնության հետ: Առասպելական վիշապի մեջ էլ հասարակ մահկանացողի սիրոտ է բարախում: Նա ոչ թե մտացածին չէ, այլ խիստ իրական է, և լուրջ խղճում է նրան: Որոշ հեքիաթներում էլ երկնքից զնկած երեք խնձորներից մեկը տրվում է թշվար ու ողորմելի օշակին: Արհասարակ դարաբաղյան հրաշապատում հեքիաթների չարը մարմնավորող հերոսները «մաքուր» չար ու կենսակու չեն. նրանց էլ են կիզում մարդկային հոգեւորը: Սա հեքիաթը ստեղծող ժողովրդի անթաքոյց մարդասիրության արտահայտությունն է», - կարդում ենք Լ.Հարությունյանի «Նշխարներ Արցախյան բանահյուսության» գրքում:[4]

«Ծիլկանը» հեքիաթի վերջում Ծիլկանը իր հնարամտություններով շահում է քազակությունը: Վերջինս ասում է. «Ծիլկան, վերթի, տու համ հընարավ ըս, համ խելունք, համ էլ թամահ չօնիս, ամեն խըթա էլ ծիլըս տամ, պրծընում: Ես էլ պռավալ ըս, եկ իմ նախշուն ախճիզ քեզ տամ, տեռ էս երգիրիս թաքավեր: Օշակի ախապերն էլ ընի քու ախպորցան մինը, իրեքան մինստեղ քեզ ծառային, բախսոդ հաստատ պահին»:[5]

Արցախյան անչափ մարդասեր է, նա փորձում է դարձի բերել չար ուժերին, բարություն սերմանել նրանց հոգիներում:

Օշակի կերպարը տեսմում ենք նաև «Պիծ ապերը» հեքիաթում: Մարդը հաղթում է օշակին: Ժողովուրդն ուզում է ասել, որ հնարամտությամբ կարելի է հաղթել չար ուժերին: Ի դեպ այս հեքիաթում ժողովուրդը զննադատում է քաջնազարականությունը. «օրաս ես անպենին հկատա, պենավորին հկատաս ուզ: Պճուտունը վեր կա, ամեն իինչա, ետե ճելի աշխարքս ուննական ա»:[6]

Նշված հեքիաթները հագեցված են երկխոսություններով, սյուժեի գարգացումը հետաքրքրաշարժ է, ունկնդիրն ստիպում է հետևել գործողությունների ընթացքին: Լ.Հարությունյանը գրքի «Ծանոթագրություններ» բաժնում մանրամաս լուսարամում է ստեղծագործությունների գրանցման, պատմելու ժամանակաշրջանը, կենցաղավարման հանգամանքները, որտեղ երևում են բանասացների հայացքներն այս կամ այն երևույթի նկատմամբ:

Այսպես. «Սուլմբաթն ու Թափեղը» հեքիաթը բանահավաքի կողմից առաջին անգամ գրի է առնվել 1957թ. Ստեփանակերտում, գիշՎարնակ Գրիգոր Բաղրյանից (ծնված 1870թ.): Երկրորդ անգամ գրի է առնվել Երևանում, Թալինի շրջանի Մաստարա գյուղի բնակիչ Ավեքսան Մնբատի Բարսեղյանից (ծնված 1918թ.), 1972 թվականին: Վերջինս շնորհալի բանասաց է և հեքիաթը հրապարակվում է հիմնականում նրա պատմածի հիման վրա: Երկու տեքստերի էական տարրերությունը կապված է գլխավոր հերոսի անվանը (առաջին տեքստում՝ Թափեղ, երկրորդում՝ Թափուղ), - կարդում ենք Լ.Հարությունյանի «Ծանոթագրություններում»:[7]

Արցախյան հեքիաթների կարևոր առանձնահատկություններն են պարզությունը, կոնկրետությունը, պատկերավորությունը, բնութագրումների դիպուկությունը, գունագեղությունը:

ՄԵՍՐՈՒԹ ՄԱՆՏՈՅ ՀԱՍԱՍԱՐԱՆԻ ԼՐԱՏՈՒ 2016

Բոլոր հեքիաթներում էլ պատկերացում է տրվում կենցաղային որոշ սովորույթների, ծիսական կարգերի, ընտանեկան – կենցաղային հարաբերությունների մասին, բացահայտվում են մարդկանց միջև եղած փոխհարաբերությունները, արցախցու հյուրասիրությունն ու հյուրամեծարությունը, ընտանեսիրությունը, օջախասիրությունը:

Ժողովուրդն իմաստուն է: Նա խորհուրդ է տալիս գործ ունենալ միայն խելոք, բանիմաց ու խորհուն մարդկանց հետ, հեռու մնալ անխելքներից: (Այսպէս. «Հու Վեր մին տա օխտը կատանա», «Լվիթունը Կորչի չի» և այլ հեքիաթներում):

Ժողովրդական հեքիաթներում խորհուրդ է տրվում հետևել ուրիշներից ակնկալիք չունեցող, սեփական աշխատանքով ապրող, ջանադիր ու գործունյա, արդար ու ազնիվ, խաբեռությամբ չզբաղվող, ուրիշի վաստակը չկողոպտող, ճշմարտասեր ու ճշմարտախոս մարդկանց օրինակին:

Ժողովուրդը կծու հեզնանքով խարազանում է քրտինք թափող, հեշտ վաստակի ետևից ընկած, ծրիակեռության սովոր, ծովլ, դատարկապորտ ու անգործունյա, եսամոլ ու շահամոլ, երկերեսամի. կեղծավոր մարդկանց: Ֆոլկորին, առավել ևս հեքիաթներին, միշտ էլ խորդ է եղել հոռեստեսությունը: Իսկ հեքիաթների երգիծական ուղղվածությունը բխում է ժողովուրդի կենդանի խոսակցական լեզվի ու ոճի հարուստ շտեմարանից, օրգանապես կապված է վերջինիս հետ և աչքի է ընկնում դիպուկությամբ, պամիտ լեզվով:

Ակնհայտ է, որ երգիծանքը մեղմ է ու բարեկամական, երբ վերաբերում է հասարակ ժողովրդին, նրանց սովորույթներին, բնավորության թույլ գծերին, որոնք կարելի է ուղղել, փոխել, դաստիարակել: Երգիծանքը հեքիաթներում սուր ու խայթող է, երբ վերաբերում է վերնախավին, ժողովուրդի հաշվին ապրողներին, կյանքի բացասական երևույթներին:

Ինչպես ամրող բանահուսության մեջ, այնպես էլ հեքիաթներում ջուրը անմահության, երկարակեցության, գերբնական ուժ ունեցող երևույթ է: Պատահական չեն հեքիաթներում հանդիպող աղբյուր, ջրհոր հասկացությունները: Դրանք ուժ են տալիս հերոսին, լցնում են կենսական լիցքով:

«Սումբաթն ու Թափեղը» հեքիաթում դեպքերը տեղի են ունենում Արմավիր քաղաքում: Թագավորը ժառանգ չի ունենում: Գիտուններից մեկը նրան խորհուրդ է տալիս. «Թագավերն ապրած կենա, ժառանգ չօնիս, վեր քանա ետք մեր երգիրին տրոթուն ամե, եր կենանք տյուս կյանք Ծրասինն փեշկը, դաշանք անինք, փեշկան պաշինք, գուցե մեր հոգու քաշի:

Քյընում ըն տեսնում Ծրասինն յրա կմնչկյարմուր կապած, կոխսկե շամբան էլ մին խխու սաս ա կյամ: Սուտամում ըն տեսնում մին պրօակնը ախապուր, ըխապուր կոխսկեն մին ծառ, ծառեն տակեն մին պերուր:

- Աստուծ էս պերուրը մգէտենա դարկալ:

Թաքավերը ակնեն ճրան խուխնն իրենակն ա տամ, յոր օնում պուրում պալատը»:[8]

Արաքս գետը եղել է հույսի, հավատի դուռ, ահա թէ ինչու նրան են խմբում հարցը լուժելու համար:

Երեխայի երեսին ջուր ցողելը մեր իհնավուրց սովորությունից է (ջրի հրաշագործ ուժը, ջրի պաշտամունքը): Եղբ թագուիին խնդրում է Արաքսին, որ իր զավակին եղբայր տա, Աստված պայմանով նրան երեխա է տալիս: Ծնված օրը թագուիին մեռնում է: Սա մեզ հիշեցնում է մեր էպոսի դրվագներից՝ Միերի և Արմաղանի ժառանգ ունենալու պայմանը:

Դարաբաղյան հեքիաթներում շեշտվում է ընտանիքի ամրությունը, օջախի սրբությունը:

ՄԵԽՐՈԴ ՄԱՆՏՈՎ ՀԱՍԱՍՏԱՐԱՆԻ ԼՐԱՏՈՒ 2016

Որոշ հեքիաթներ բարոյախրատական վերջաբան ունեն: Այսպես. «Լվորունը կորչիլ չի» հեքիաթում բացահայտվում է մարդու խոճմտամքը, լավություն անելու մարդասիրական տենչը «Մարդին ըրած մին վաղությունը, մին լվորունը աշխարքում կորչում չի: Լավ ըն ասալ՝ լվորունն ըրա, քցի ծովը, ծուկունը վեր գյիտա վուչ, Աստուծ կայիդա»:[9]

Արցախյան հեքիաթներում խորհրդատու են գիտկան պառավելոր, իմաստու ժեռունիները, խելոր ու հնարամիտ եղայրները: Իսկ ժողովուրդը սիրում է «աեմվոր մարդկանց»: Պատահական չէ, որ հեքիաթներից մեկում Թափեղը հարցնում է ավազակներին, թե ինչով են ապրում, երբ լսում է, որ ապրում են թալանով, Թափեղն ասում է. «Ես ծրզնրիես էն վախսոր կինզրանամ, վեր աենվուր մարդկանց ձերք չտաք: Ականամ, թա մարդ ըք սպանալ, կիսոնետ կվտրիմ»:[10]

Արցախյան հեքիաթներում հետաքրքիր լրութում ունեն երգիծական հեքիաթները: «Մրթըկընեգ՝ Ճոխստն էլ մին խելքու» հեքիաթը նման է Հ.Թումանյանի «Բարիկենդանին»: Ժողովուրդը ծաղրել է միամտությունը, չափից դուրս պարզամտությունը: Կով առնելու համար հավաքած փողը բաժին է դարնում ճարպիկ ստահակին: Երբ ամուսինը սուն է զայլս՝ հաջորդ օրը բատ պայմանավորվածության կով առնելու գնալու նպատակով, ճարպիկ ստահակը, որը լսել է, թե որտեղ է պահված փողը, գյուղացու կնոջը ներկայանում է, ասելով, թե ամուսինն է ուղարկել փողի ետուից: Խեղճ ու անձար գյուղացին փորձում է գնալ փողի հետուից, սակայն նրա միամտությունը նորից փորձանք է բերում իրեն՝ այս անգամ կորցնելով նաև ծիուն: Հետաքրքիր վերջաբանով ժողովուրդը, այնուամենայնիվ, ողբերգություն չի ստեղծում եղած անհաջողության համար:

- Աղա, ա մարթ, ծիլըն տարալ, պա ծիդ հոր ա:
- Աստուծ ծին դարկալ ա փուկեն կոշտը, ինձ էլ քու կոշտդ:[11]

«Դազը» հեքիաթը կենցաղային հեքիաթ է, որտեղ քննադատություն է անհյուրընկալությունը: Տանտիրուիու ժամանակաշրջանում պատճառով ընտանիքը զրկվում է եփած սագը վայելելու հաճուքից, իսկ ամուսինը պախարակում կնոջը՝ ասելով:

- Ես քեզ խոնեգ ա, դազը հոր ըս կեղում դունադան, հոր էդ քյալագը կլոխտ կյա: Քեզ խոլունքու տեղ տրած, ուրուշու էլ պել ըս գյուղում: Միենգ իփած դազը տու վըս է՝, էն տարածը չի: Վեր ամեզըմին թքա մունք ուտինք, մինն էլ դոնադն օտար, փիս կընա ՞ր, դազեն մնանիփի փիս կնեզը:

Հյուրափությունը դարձարացու կենցաղն է: «Եթե մարդ իմչ-որ պատահարից ազատվել է ժամանակին և հաջողությամբ, ապա դա վերագրվել է հյուրափությամբ, օտարին, կարիքավորին, մի կտոր հաց տալունե:

Սարդը տիխրության, ուրախության պահերին, խաղաղ ու անհանգիստ ժամանակներին պետք է իր ժողովրդի հետ լինի: Այդ կապի սերտացման արդյունք է «ժողովուրդեն հաց տալը»: «Մին թիքա մինակ կեր, մինը ժողովուրդեն նիետ», - կարդում ենք Լ.Հարությունյանի գրքում:[12]

Արցախցին միշտ հավատարիմ է եղել իր մեծավորին, սիրել, պաշտել է թագավորին, նրա մեջ տեսել ժողովրդին սատար լինելու ձգուում, թշվարին, աղքատին օգնելու պատրաստակամություն: Զարմանալիորեն ներողամիտ է թագավորը, նա ընդունում է լավ, հավատարիմ, հնարամիտ ու խելոր մարդուն: Օրինակ՝ «Ծիկանը» հեքիաթի վերջում ժողովուրդն արտահայտում է իր կամքն ու ցանկությունը.

- Հանց բեղար խելունք խոսկը խելունք կործ տեռնար, ըստծու կիրավը դաստի կղատվար, խելունքը միշտ թաքավեր տեռնար: [13]

Արցախյան հեքիաթներում հաճախ ենք տեսնում կյանքի ու մահվան փիլիխությունը, կյանքի ու մահվան կրվի մեջ կյանքի հաղթանակը:

ՄԵԽՐՈԴ ՄԱՆՈՒՅԹ ՀԱՍԱՏԱՐԱՆԻ ԼՐԱՏՈՒ 2016

«Մայր» հեքիաթում մայրը սպասում է իր պանդոխստ որդուն: Երբ հիվանդանում է, մահը գալիս է նրան տանելու, բայց մայրը խնդրում է սպասել, մինչև որդին «ղարիբությունից» վերադառնա: Մահը սպասում է: Վերադառնում է մոր որդին, մահը գալիս է նրա ետևից: Մայրը խնդրում է սպասել, մինչև որդին պսակվի... հետո՝ զավակ ունենա, հետո՝ զավակը մնջանա, իր համար ջուր բերի... Մայրը դեռ անելիք ունի այս աշխարհում, չի ուզում գնալնահիվան հետ: Բայց վերջինս անխուսափելի է: Մայրը պատրաստվում է մահվան հետ գնալու, բայց վերջին պահին ասում է.

- Մոլորակ անկատար մնաց, սրտենս մնաց սրտում, հաց կուտուր տեռած ըմ քյոնում, ասսուծ լավ անգուծ կալ:

Մարդ միշտ էլ կարուտ է մնում կյանքին, միշտ էլ աշխարհում անելիք ունի ու երբեք իր գործն ավարտած չի համարում:

«Կաթնակորեկ» ժողովածուի «Մայր» հեքիաթի վերջաբանը փոքր-ինչ տարբեր է: Մահը, տեսմելով, որ անկարող է հաղթել մայրական կարուտին, շրջվում է գլխահակ:

- Ապրիր, որքան սիրուտ կուզի, կարուտած մայր, - շշնջաց հաղթված մահը: Այսպիսի վերջաբանը ժողովուի ցանկությունն է, մարդու իշձը՝ ապրելու, այս կյանքում մնալու համար, քանի որ կյանքի կարուտը հավերժական է:

Ժողովրդական իմաստությունն է «Պողը» հեքիաթի հիմքում: Անտեր, անտիրական ծերունին իր չունեցած ուկրվ զայթակղում է զավակներին, ովքեր թողել են հայրենի օջախը, ու բոլորովին տիրություն չեն անում ծերունի հորը: Հարևանի խորհրդով ծերունին տարածում է, որ մի պուլիկ ոսկի ունի: Հարսության պատճառով տղաները գյուղ են գալիս, յուրաքանչյուրը փորձում է շահել հոր սիրութ, որպեսզի ինքը տիրանա հարս-սությանը:

Հայրը մեռնում է: Տղաները հարևանից հարցնում են ոսկու տեղը: Երբ բացում են պուլիկը, նրա մեջ գտնում են մի պոզ, մեջն էլ մի թղթի կտոր, որտեղ մեծ-մեծ տառերով գրված էր. «Հու վեր տղու, հարթնու ումեղ ըղնե, էս պոզը նրա աշկը»: Ժողովուրդը քննադատում է ապերախստ ու երախստամոր երեխաներին: «Նշխարներ Արցախի բանահյու-սության» ժողովածուի երրորդ գրքի «Երկու խոսք» բաժնում L.Հարությունյանը գրում է.

-Իր լեզվական, բանահյուսական անսպար հարստությամբ, մարդկային քաղաքա-կիրա ու լայնասիրտ սովորություններով, մոտքերի խորությամբ և իմաստությամբ, ստեղծելու, ստեղծագործելու բնական պահանջով ու լուսամիտությամբ, հույսով, հավատով ու հավատալիքներով, ազնվությամբ, բարությամբ, ծայր ուղղանստությամբ ու մանկամ-ստությամբ... Այսպես է ներկայանում արցախցի հայր իմ ազգագրական հավաքածումերում: [14]

Այսպես է ներկայանում արցախցին նաև հեքիաթներում, որոնց բոլոր տեսակներն էլ ստոգորված են հույսով, հավատով, մարդկային գեղեցիկի, վեհի, վսեմի պաշտամունքով:

«Աշխարհը խորը է» հեքիաթը իրապատում և հրաշապատում տարրերի խաւճնուրդ է: Խորը մորից հալածված Արամենը փորձում է աշխարհում գտնել գութ, սեր, բարություն, խիղճ, սակայն չի գտնում: Հանդիպում է ամողոք, սուր կրող երկաթագործին, ան-խիղճ մսագործին, դիակապությամբ գրադդու մարդուն:

-Աստված իմ, ինչ անի խեղճ Արամենը, որ խորը մորից ճողովարելով կրկնակի խորթություն տեսավ մարդկանցից: Միթե այս ծաղկառատ աշխարհը նրա համար է միայն, որ արնոտ դանակները սրվեն: Մսագործի սիրութ արյունով է լվացվում, Արամենը ինչպես գութ աղերսի նրանից: Ինչ մահու տամ գուխս, որ ազատվեմ անսատված դիակապութներից: Աստված իմ, բարի Աստված: Արամենը հայացքը հարեց ներքև. դեմք կանգնած էր մի բարեհամբույր պառավ, որի հայացքից լիաբաշխ թախիծ էր մաղ-շում:

ՄԵԽՐՈԴ ՄԱՆՏՈՅ ՀԱՍԱՍԱՐԱՆԻ ԼՐԱՏՈՒ 2016

- Նանի, իմ անչար նանի...

Բայց չքացավ նանին, իր տեղում թողնելով մի ճյուղատարած խնձորենի ծառ՝ լիբը կարմրաթուշ խնձորներով, ճառագած դեղնակարմիր ծիածանով: Իսկ գետնի տակից լսվեց մի խոլ ծայն: «Ապավինիր խնձորենուն, նա քո տատիկն է և եղիր տոկուն»:[15]

Հետաքրքիր Վերջաբան ունի հեքիաթը. «Մեզն ասում է, որ Արամենը շարունակում է փնտրել և դեռևս նրան չի հաջողվել հանդիպել բարի մարդու, սեր տալ, սեր առնել, խիղճ տալ, խիղճ ստանալ, իսկ մյուսն ասում է, որ նա ծովվել է այն խնձորենուն և կարմիր խնձորով է իր վիշտը հայտնում աշխարհին»:[16]

Այսպես մարդը անրնդիատ փնտրում է՝ գեղեցիկը գտնելու հույսով:

Արցախյան հեքիաթների դրական հերոսների միակ հզոր գենքը միայն ուժը չէ: Ուժը բավական չէ հաջողության հասնելու համար: Ուժի հետ նաև խելք է պետք, նրանք օժտված են մտավոր ու հոգևոր կարողությամբ, ազնիվ են, ճշնարտախոս, անձնուրաց են, պատրաստակամ օգնելու դիմացիներն, ծանր վիճակում հայտնվածին: Նրանք նաև նպատակամետ են, սիրում են իրենց ծնողներին, ընկերներին ու հարազատներին: Այդ են վկայում «Ծիլկանը», «Պիր ախաբերը», «Սումբարն ու Թափեղը» և այլ հեքիաթներ:

Ընտանեկան կյանքի բարձր բարոյականությունն է ընկած Լ. Հարությունյանի գոհ առաջ հեքիաթներում:

«Ղերևս հազարամյակների հեռվից, մարդու մեջ զանազանվել է երկու գեղեցկություն՝ ներքին (հոգեկան) և արտաքին (պատկերային): Երկրորդը փայլ է, խաքումիկ: Եթե չկա արագինը» նա արագ անէանում է և հակառակ զգացողությունը պատճառում մարդուն»:

«Ղշնգոթունը սարու ծյուն ա, սարը բդի դաշանգ: Համ էլ՝ դաշանգն ասում ա՝ ինձ իրմանցե Եշի», - կարդում ենք Լ. Հարությունյանի նշխարներում: [17] Ամուսնական հարցի լուծումը դժվար խնդիր է: Անա թե ինչու հեքիաթներում ժողովուրդը փորձել է ճակատագրական դաշինքի մեջ բացառել պատահականությունները: «Սուկունը և տոռոնը» հեքիաթում մուկը սիրահարվում է տոռոնին: Նրանք որոշում են ամուսնանալ: Մուկը համբուրում է տոռոնին, վերջինս ամոթից կարմրում է, բայց և մկան բնի մոտ սպասում փեսացուին: Սակայն մուկը չի գալիս: «Էնքան ա Եշում, մինչև ումեղը կտրում ա: Ասում ա. իմ դանգա խելքս, ամեն պաչու կիավատան, վեր ես հըվշտացե»: Սա բարոյական վեհագույն արժեքի գովք է: Ամուր պիտի լինի սերը, ընտանիքը, որ ամեն պատահական երևույթից չփուրվի:

Արցախյան ամեն մի սովորություն կապվել է նրա բարձր արժանապատվության ու բարոյականության հետ: Հասարակական կյանքի յուրաքանչյուր բնագավառ արցախցուն թելադրել է իր ապելու արվեստը, կանոնարկված օրենքը՝ կապված պատվի, պատվախնդրության, օջախասիրության հետ:

Դարաբաղյան բարոյականությամբ է շնչում արցախյան հեքիաթը: Հայ ընտանիքը՝ իր սովորություններով ու նորմերով հենց արցախցու կենսագործունեության հիմքն է: Սերն է արցախցու բարոյականության հիմքը: «Այն ինքն իրեն կզա: Կզա մանկան ճշերով, հարսի ամոթխածությամբ, բարեկամությամբ, ամուսնական մահճի նկատմամբ պարտականության չգրված օրենքով»:

«Վեչ փիս ախչիզ տեսի, վեչ՝ լավ կնեգ»: «Վեչ անվալ ախչիզ տեսե, վեչ դաշանց հարթնը»: Ախալ՝ է այս փիլիխտկայությունը... բայց բարոյական է և նրա օգտին են վկայությունները», - գրում է Լ. Հարությունյանը: [18]

Բարձր է արցախյան հեքիաթների բարոյախոսական-գաղափարական նպատակադրումը: Դրանք նպաստում են մարդու հոգևոր և մտավոր զարգացմանը:

ՄԵՄՐՈԴ ՄԱՀՏՈՅ ՀԱՍԱՍԱՐԱՆԻ ԼՐԱՏՈՒ 2016

«Խելոք ու ողջամիտ են մեզ ավանդված հեքիաթները, գրույցները, ավանդությունները...»

Նրանք նաև լեռնային աղբարաջրի պես մաքուր են, թափանցիկ ու պարզ, բազմաբնույթ ու բազմախոխոց»..., - ահա վաստակաշատ բանագետի ընդհանրացումը:

ԾԱՆՈԹԱԳՐՈՒԹՅՈՒՆՆԵՐ

1. Ղազիյան Ա., «Հայ ազգագրություն և բանահյուսություն», Եր., 1983, էջ 5:
2. Հարությունյան Լ., Նշխարներ Արցախի բանահյուսության, Եր., 1991, էջ 385:
3. Ղազիյան, Ա. Աշվ., էջ 14:
4. Հարությունյան Լ., Աշվ. աշխ., էջ 10:
5. Նույն տեղում, էջ 28:
6. Նույն տեղում, էջ 34:
7. Նույն տեղում, էջ 382:
8. Նույն տեղում:
9. Նույն տեղում, էջ 37:
10. Նույն տեղում, էջ 41:
11. Նույն տեղում, էջ 56:
12. Նույն տեղում, էջ 21:
13. Նույն տեղում, էջ 28:
14. Հարությունյան Լ., Նշխարներ Արցախի բանահյուսության, հատոր 3, Ստեփ., 2007, էջ 4:
15. Կաթնակորեկ, Եր., 1998, էջ 56:
16. Նույն տեղում, էջ 56:
17. Նույն տեղում, էջ 18:
18. Հարությունյան Լ., Նշխարներ Արցախի բանահյուսության, 1991, էջ 17:

ԱՄՓՈՓԱԳԻՐ

L. Հարությունյանի «Նշխարներ...» -ի հեքիաթային աշխարհը Անահիտ Աթայան

«L. Հարությունյանի «Նշխարներ...»-ի հեքիաթային աշխարհը» հոդվածում բահայտվում է L. Հարությունյանի դերը արցախյան հեքիաթների հավաքման, գրանման բնագավառում, մատնանշվում նրանց ժանրային և կառուցվածքային առանձնահատկությունները. Ճանաչողական և դաստիարակչական նշանակությունը: L. Հարությունյանի հեքիաթներն արտացոլում են ժողովրդի սոցիալ-պատմական կենսափորձը, նրա ձգտումներն ու սպասումները, առանձնանում են իրենց սյուժետային առանձնահատկություններով, բանաձևերի երեք խմբավորումների կիրառությամբ: Բերված են համապատասխան օրինակներ, որոնք վկայում են L. Հարությունյանի դերը արցախյան հեքիաթների հավաքման, գրառման և դասդասման բնագավառում:

РЕЗЮМЕ

**“Сказочный мир “Реликвий...” Л. Арутюняна
Анаит Атаян**

Ключевые слова: реальные, волшебные, бытовые, социальные сказки, приключенческий сюжет, богатая жизненная философия, нравоучительный смысл, структурные особенности, достоинство, волшебная сила воды, высокие моральные нормы, группировка формул.

В статье «Сказочный мир «Реликвий...» Л. Арутюняна раскрывается важность роли Л. Арутюняна в области сбора, записи сказок, отмечаются их жанровые и структурные особенности, ознакомительные и воспитательные значения. Сказки Л. Арутюняна отражают социально-исторический опыт народа, его ожидания и стремления, выделяются своими сюжетными особенностями, с использованием всех трех групп формулировок. Приведены соответствующие примеры, которые свидетельствуют о роли Л.Арутюняна в области сбора, записи, классификации арцахских сказок.

SUMMARY

**“The Fairy World” article of L.Harutyunyan's "Relics"
Anahit Atayan**

Keywords: real story, householding, legend, social, fairytale, adventurous plot, rich philosophy of life, moral and ethical sense, structural features, dignity, the wonderful power of water, high moral norms, grouping of formulas.

The article “Fairy World” of L.Harutyunyan's "Relics" reveals Harutyunyan's role in the collection of Artsakhi fairytales, underlining genre and structural features, cognitive and educational significance. L. Harutyunyan's fairytales reflect nation's social and historical life experience, its aspirations and expectations. They are known for their narrative features and application of three groups of formulas. Relevant examples are brought which prove Harutyunyan's role in the collection of Artsakhi fairytales in the sphere of recording and classifying.